

國朝宮史續編

國朝宮史續編卷之七十八

書籍四

御題

臣等謹案四庫書成備邀

睿鑒復荷

親賜題詠詳審其是非得失為之

論定表章不特從古帝學無此閎深無此精覈即自
來嗜古文獻家亦斷無能如此條貫賅通折
衷悉當者仰惟

高宗純皇帝幾暇摘毫或弁諸簡首或揭在栢楯無

非

右文覺世之殷懷所寄臣等續編

宮史書籍門謹從

聖製詩集暨

文淵閣恭懸

宸翰中裒錄

御題諸書之作

詩法詳見

聖製詩集撰注人

總目者蔡

不備錄綜計書凡五十九種仍依經史子

名氏詳見天祿琳琅書目四庫全書

集為後先以見讀書祕鑰幸賴

聖言標舉獲覩指歸而政治圭臬經世範圍胥可由
此領要而旁通焉若夫異代著錄儒臣於千
百載後榮被

寵光蒐羅評議則尤亘古未逢之曠典其仰沐
御題儲在天祿琳琅以舊槧見珍者別為

鑒藏類恭紀後卷

易傳燈 四卷

御題詩 有序 戊戌

是書舊暑徐總幹撰而不著名其子序謂其父嘗
師事呂祖謙唐仲文所學似尚有稟承顧取釋氏
傳燈語為經解標題謬盭甚矣其言君子小人吉
凶陰陽之義頗有闡發而所論河圖數象牽附九
宮則又乖於正道蓋其書純駁參半乃指斥後學
差誤得無責人則明而責己則昏歟以其裒輯於
散帙之中亦云希覲錄備四庫庶幾瑕瑜不掩系
詩簡端譏之正所以惜之也

徐氏隱名故以何標題想亦自知過本來畫卦由古

聖胡乃傳燈擬梵陀學述東萊道未見習沿永叔語
傷訛明云後學多差誤可識其人差已多

周易總義

二十卷

御題詩

甲午

長沙撰總義觀象玩辭符總貫諸家解義通十翼扶
人心即天地易理示規模多辯原成蹊求精翻涉麤
彼非謂此是喜合率攻殊畧覽廿卷有頗嘉各弊無
發明尚平正流布未宏敷設曰不言好安能槩置乎

周易要義

十卷

御題詩

甲午

華父師敬子其學傳紫陽紫陽注周易獨稱卜筮方
舉占意有謂恐人涉荒唐魏乃宗正義刪繁取其臧
釋文考陸氏兼引馬鄭王簡以得其要約而頗致詳
藝尊尚弗知希寶誠吉光開宗闢虛元孔門教用彰
三易明周稱益謂取岐京叶乾健具四德坤順惟隨
倡弗牛而曰馬北馬行无疆然予更思之仍即一乾
剛乾坤分去聲既定餘卦推類明叶大端弗失正十翼
臣之良出處益卓然正色立朝綱豈徒託空言用易

誠有常四庫廣搜羅懋柱出珍藏鈔刻俾歸之牖世
文教昌卷首題五言用賁世守長

易緯乾坤鑿度 二卷

御題詩

癸巳

乾坤兩鑿度撰不知誰氏矯稱黃帝言倉頡為修飾
叶以余觀作者蓋後於莊子南華第七篇率已揭其
旨儻忽鑿七竅竅通渾沌死乾坤即儻忽渾沌實太
始乾坤既鑿開太始斯淪矣言易祖繫辭頗覺近乎
理靈圖測陰陽乃或述識緯叶有純亦有疵稽古堪

資耳黃震著日抄所論正非鄙欽若斯足徵撫卷勵
顧謨

禹貢指南 四卷

御題詩 甲午

微禹其魚功不刊導川敷土下民安九州既奠爰分
域四海會同永宴濶毛晃指南因有述文淵閣氏乃
無端焦竑志籍傳名著朱子說書取訓鑽千古根源
率由溯諸家附會概祛謾獨於分野稱星宿未識恢
恢天道寬

禹貢說斷 四卷

御題詩

甲午

指南向已題毛晃說斷茲當屬傳寅五服九州辨貢
賦三江四海析涯垠積年累月而窮究繼晷焚膏亦
苦辛代易時陳因失舊定訛補闕為完新祇台妄以
知德先去聲紛彼奚辭注語頻更有諸家難著筆流沙
今越海西濱

絜齋家塾書鈔

十二卷

御題詩

戊戌

議論持醇正興亡鑑古今致危惟戒逸勝怠莫如欽
惜未聯全璧幸仍揀碎金流斯失法度先已獲予心

陳氏尚書詳解

五十卷

御題詩

甲午

帝王行事具心中挈要一言迴解同數

上聲

彼專通難

俚指得茲詳解足治

平聲

躬卷成五十能探奧書祕半

千未發蒙大典闕收誠惜漏休陽復購可稱功新興
教化為根本古壁精微與擴充詩義雲烟誰過眼珍
斯片羽願研窮

繫齋毛詩經筵講義 四卷

御題詩 乙未

講義要當重切磋繫齋不事頌辭阿解經依註無為
異取古誠今有足多雅頌諸篇惜已失風南數首出
重羅棄離故國三致意其奈辱王弗聽何

詩經世本古義

二十
八卷

御題詩

有序

士寅

明何楷閩人著詩經世本古義凡二十八卷依時
代為次名曰世本古義以公劉七月大田甫田諸

篇為首而殿以曹風下泉計三代有詩之世始夏
少康終周敬王凡二十八王因配以二十八宿各
為序目雖其書於名物訓詁考證詳明而鉤棘字
句牽合史傳強附名姓時代以舒窳紹兮指為夏
徵舒碩鼠指為魏壽餘又以草蟲為南陔菁莪為
由儀緡蠻為崇邱穿鑿附會不可枚舉且以孔子
刪定之三百篇敢於任意顛倒不師古訓妄興異
議實索隱行怪之徒不可為訓徒供考證正宜束
之高閣耳

弗遵孔子所刪詩敘世傳經自出奇割裂雅風畏忘
彼差排星宿巧符其楷而失則何之謂撰以成乖杜
豈辭可惜用功無用地束諸高閣合於斯

孫氏春秋經解

卷十三

御題詩

甲午

注疏春秋充棟夥高郵作解費研磨學從安定居名
第書出臨川罷制科鑿傳鄙他相佩劍翼經嘉此匪
操戈諸公列國事悉具抑伯尊王義不訛發奧依然
準平正折衷要是弗偏頗邵張珍弄今歸紀汲古深

心有足多

春秋辨疑 四卷

御題詩

癸巳

直運權臣退自怡著書胡趙奉為師宗經頗具明卓
見異註不為遷就詞非史信哉超衆論亡詩作也辨
羣疑一王天下無他義三變周公豈逆知可惜代湮
多散佚允宜重錄表扶持瞠乎徒仰獲麟筆無暇方
慚下董帷

春秋讞義

九卷

御題詩 戊戌

聽訟吾猶人無訟以為本春秋經世書道德齊禮謹
尊王而賤霸賴是以示準人心與天理藉斯以不泯
獄有評獄義獄實刑之引春秋豈其然求精失之遠
夢得已一誤元杰重儆允後賢議前賢辯駁恣口吻
類此各標長充棟奚能盡

此木軒四書說 九卷

御題詩 戊戌

雲間績學衆傳諸經說方成又說書一剝不容有二

佛此言果可說書歟

按袁熹書說論者謂其較所作經說為優其中固不無可節取閱及孟子以予觀於夫子章謂孔子不特春秋之世不容有二從是以後更數十歲六經四子書苟未漸滅亦不得生如孔子其人孟猶一剎不容有二佛也意在推崇孔子而擬不於倫尊之固如是乎且以釋氏語闡入儒書尤乖說書之體昔昌黎謂荀楊大醇而小疵余謂袁熹此書乃小醇而大疵耳

說文解字篆韻譜 五卷

御題詩 甲午

徐鍇說文兄鉉序依然朱氏曝書藏制文遵古見誠
卓作隸趨今辨以詳許慎持嘉研六篆賈魴何事變
三倉成編割裂異大典因字區分述舊章惟是微傳
資訓詁信堪小學示津梁即看繡谷勤收弄意在尊
聞實所藏

兩朝綱目備要 十六卷

御題詩 甲午

臣身官史
卷之六
佗胄家奴抵罪宜禁軍何致似興師深謀爾日出彌
遠月落還如星替之 孟浪挑金固匪宜幸和可忘
詰戎師西山豈啻工章句一疏興衰實繫之

建康實錄

卷二十

御題詩

甲午

六朝三百有餘年建業興衰廿卷傳文物風流信有
矣經綸世教或無焉幸洪武始統歸一逮永樂斯都
以遷我每孝陵親奠醑不禁弔古為悽然

郝氏續後漢書

卷九十

御題詩 戊戌

身充信使被拘留兩國恰逢奸計投願附魯連未遂
志空言思託著書酬 陳壽寧稱史筆人續之尊漢
見誠醇獨嫌董卓仍列傳即未叛臣亦亂臣 褒貶
從來不可誣要公千載賞和誅篡臣仲達祇篡魏篡
漢寧非孟德乎 福華編撰鄂功陳羈絆真州十六
春未免南方君子笑笑他不叛北方人 帛詩或者
假前題學術忠誠孰可齊設使子卿逢地下著書差
勝娶胡妻

錢塘遺事 十卷

御題詩 甲午

失策明題去建康却耽山水便都杭湖邊歌舞酣餘
樂天外徽欽棄遠荒八帝厯年纔百五多奸少正致
淪亡翻書千古垂殷鑒漫例飛鴻徒號堂

御題詩 戊戌

遺事錢塘撰一清興亡政要紀分明考蹤似仕又如
隱致歎為凡與作荆進據失兼失退據宋氓異更異
元氓湖山歌舞依然在鏡古孰非殷監呈

慶元黨禁 一卷

御題詩

甲午

宮閭通情侂冑求汝愚曾是失深謀慶元黨禍延邦國揖盜開門自有由

兩漢博聞

十二卷

御題詩

甲午

遷創班承范繼哉纂言功足補秦灰博聞特舉兩書要頗繆還兼百卷該撰者或訛楊及魯注之却讓馬和裴因披遺籍知來雨正值望霖雨庶來

乾道臨安志 三卷

御題詩 乙未

南渡忘讐久論之最初輿志始觀茲武林掌故因堪
考宋紙存刊乃更奇官署宮城寧復昔吳山越水鎮
如斯臨安四度親訪古當面失哉此細披

水經注 四十卷

御題詩 有序 甲午

鄺道元水經注自明至今惟朱謀瑋校本行世其
文與杜佑通典樂史太平寰宇記所引經注往往

不合人多意為改竄殊失本來面目近因裒集永樂大典散見之書其中水經注雖多割裂而按目稽覈全文具存尚可彙輯與今本相校既有異同且載道元自序一篇亦世所未見蓋猶據宋人善本錄入茲經館臣排綴成編凡篇目混淆經注相錯者悉加釐訂其脫簡有自數字至八九十字者亦並為補正以數百年叢殘缺佚之書一旦復還舊觀若隱有呵護者然亦藝林佳話也因題六韻紀之

國朝官史新編
卷之十一
檢書斷簡萃全珍自序猶存善長真却以殘山將刺
水竟如合浦與延津笑他割裂審無術際此完成若
有神南北少訛因未到古今畧異究堪循悉心編纂
誠宜獎觸目研摩信可親設以春秋素臣例足稱中
尉繼功人

南宋都城紀勝錄 一卷

御題詩

有序 癸巳

宋自南渡之後半壁僅支而君若臣溺於宴安不
以恢復為念西湖歌舞日夕流連豈知剩水殘山

已無足恃顧有若將終焉之志其去燕巢危幕幾何矣而耐得翁為此編惟盛稱臨安之明考謂民物康阜過京師十倍又謂中興百年餘太平日久視前又過十數倍其昧於安危盛衰之機亦甚矣哉然彼或窺見廟堂之上不能振作為此以逢其所欲抑亦知其書流傳必貽笑於後世故隱其姓名而託於子虛烏有之倫乎不然則既操子墨寧未讀孟堅兩都賦託諷諫以立言而為是違道鋪張也覽是編其時事可知因題句並序如右

一綫南遷已甚危，
徽欽北去竟忘之。
正當嘗膽卧薪日，
却作觀山玩水時。
後市前朝誇富庶，
歌樓酒館鬪笙絲。
咄哉耐得翁傳錄，
可似蘭臺兩賦奇。

增補武林舊事 八卷

御題詩

戊戌

補因廷煥原周密舊事，
武林想象間正向金朝稱姪。
際那仍豪興賞湖山，
都人士女走如狂，天子真稱孝壽皇。
便是北方有歸櫬，
安能五國解淒涼。
朝歌暮舞勝都京，
水秀山明湊雅情。
繪出承平真氣象，
爾

時豈果是承平

大金德運圖說 一卷

御題詩

有序

癸巳

大金發祥於愛新水愛新者國語金也故建國即以金為號乃因金色白遂欲從而尚之妄矣且五德之運說本無稽縱如所言亦取其或生或剋議者以宋為大德遼為水德大金當為金德夫宋雖南遷正統自宜歸之宋至元而宋始亡遼金固未可當正統也若夫尚白周尚赤其見於經者亦

祇白牡駢剛之類各從其色至如上衣下裳元纁
相稱則三代同之而德運之論固未之前聞也自
漢儒始言五德迭王遂推三皇五帝各有所尚後
更流為讖緯抑又惑之甚矣夫一代之興皆由積
德累仁豈在五行之生剋而服御所尚自當以黃
為正餘非所宜元明制度尚黃不侈陳五德之王
其義甚正本朝因之足破漢魏以後之陋說因題
是編並闡而正之

德運相承雖有之繼

天立極豈因斯六經未見明文紀兩漢方傳家語辭
不出五行生剋術那關萬姓順違為即云正統當歸
正亦曰基仁乃永基八帝瑞符縱殊別一時色尚已
參差宅中國大土應守表衆居尊黃實宜朝夕惕乾
惟益勵休祥讖緯底須奇勝朝未議國朝述足破千
秋萬古疑

經義考

三百卷

御題詩

丁酉

秦燔弗絕殆如繩未喪斯文聖語曾疑信雖滋後人

議述傳終賴漢儒承天經地緯道由託一貫六同教
以興藜閣矣劉校誠韙竹垞昭代撰堪稱存亡若彼
均詳注文獻於茲率可徵遠紹旁搜今古會焚膏繼
晷歲年增考因晰理求其是義在尊經靡不勝枕藉
寧惟資汲鑒闡崇將以示孫曾

武經總要

四十卷

御題詩

甲午

論兵千載如聚訟真是徒工紙上談居重馭輕自不
易困民養卒則何堪若言愛物斯誠有以曰知軍或

未諳龐籍汰多意猶避韓琦救後慮惟覃第觀卅卷
稱綜古詎足武經為指南旗籍綠營維內外慎遵
祖制萬方戡

鵠冠子 三卷

御題詩 癸巳

鉄器原歸厚德將雜形匪獨老和黃朱評陸注同因
顯柳謗韓譽兩不妨完帙幸存書著楚失篇却勝代
稱唐帝常師處王友處戒合書紳識弗忘

守城錄 四卷

御題詩 癸巳

攝篆德安固守城因而失事論東京陳規屢禦應之
暇湯璠深知紀以精小縣傍州或可賴通都大邑轉
難行四夷守在垂明訓逮迫臨衝禍早成

九章算術 九卷

御題詩 有序 乙未

是書雖為晉劉徽注而其名則始見於唐書蓋自
李淳風注釋義遂大顯北宋時人罕習者漸以湮
晦南宋慶元中鮑澣得其本寫入秘閣世亦莫得

而見明初編列永樂大典然依韻分排閱者鮮能
究其端委則雖存猶亡也茲以校勘四庫全書詞
臣於斷簡零篇中裒輯得九篇悉符鮑澣之舊顧
鮑本無圖今諸臣按注意補為之雖未能必其盡
合皆可因注推演而知則亦未嘗或紊視澣所傳
殆有過之無不及矣算法自

皇祖表章以來可謂大備是書至今始出或亦顯晦
有時固有莫知其然而然者乎夫九章昉於周官
六藝教於洙泗余雖未習其事要不得謂非學者

所當肄業及之者也系詩題識如左

算術由來非所學不知難強以為知大成廣集欽
皇祖六藝曾論愧仲尼分韻笑他割裂者補圖欣此
粹完之時為顯晦晦今顯是用擣毫作弁辭

書苑菁華

卷二十

御題詩

甲午

好惡為君宜慎哉蒐書種種挈羸來不能無彼因有
此用識心存欲政推運筆諸家備傳法臚篇廿卷允
稱才臨池那盡帝王事獨愛公權一語該

長短經 凡卷

御題詩 甲午

郟縣創為救弊論愛憎毆業匠和函向時雖類縱橫
說憂未原歸理道談 宋刊弄自教忠堂通變稱經
曰短長比及亂時思治去聲亂不如平日慎行王 卷
原稱十今失一總目翻看餘一篇既是梓州善經濟
不應平聲辟召又何焉 津瀛文苑繼家聲四庫蒐羅
俾贊成邂逅世臣獻遺簡向年論學憶西清

曲洧舊聞 十卷

御題詩 甲午

留金弗紀金間事，曲洧依然紀舊聞。
二帝播遷雖自取，禍緣新法變更紛。
建隆端拱政堪徵，紹聖宣和百事興。
設使子孫守祖制，何愁萬世不繩承。
汴都掌故頗傳真，說部非同耳食倫。
何事臨安安半壁，冰天雪窖忘去聲君親。
清濁渭涇本自殊，操戈同室若為乎。
因翻汝璞獨藏本，畧恨爾時程與蘇。

敬齋古今註 八卷

御題詩

有序

乙未

永樂大典聚書雖多而依韻雜排割裂凌亂以有
用之書散置無用誠可惜已茲命詞臣重加校錄
裒輯於零斷之餘率多善本古今鈺其一也此書
目見於元史者凡四十卷今所收雖僅五之一而
四庫臚編具有條理仍不失為完書且辨晰疑義
折衷釐正尤極精審洵散篇中之最佳者至李治
以鈺名書惟取義於不外聽予則以鈺續塞聰有
合於君臨之道因題什而序之

韻分書割太無端不學從來致浩歎衷散排全資翰

苑連珠集腋得神完覃研喜見仁卿著典覈應同觀
國看方朔辨言蘊古衍繹文永惕作君難

意林 五卷

御題詩 甲午

集錄裁成庾穎川意林三軸用茲傳漫嫌撮要失備
載嘗鼎一臠知味全 都護安南政不頗用儒術致
政平和奇書五卷銅柱二無忝祖為馬伏波 六經
萬古示綱常諸子何妨取所長節度豈徒務佔畢要
知制事有良方 五卷終於物理論太元經下已亡

之設非天一閣珍弄片羽安能欣見斯

太平御覽

卷一十

御題詩

甲午

太平誰不喜求實匪求名必也勵乾惕還當戒滿盈
設徒資黼黻終致誚豐亨宋帝懷慙德三書弭衆兵
搜羅雖已富考證未云精四庫翻其目五言寫我情

帝王經世圖譜

卷十六

御題詩

有序 癸巳

帝王經世之道具在大經法戒所垂取則不遠顧

篇籍彙陳披覽非一時可竟唐仲友迺撮舉諸經
要旨列為圖譜旁採傳註附以總說分門別類條
理秩然讀之而其辭易通玩之而其義易見尤為
政治圭臬若夫擇之精語之詳提要鉤深用力不
紛而見功甚鉅宜周必大題辭比諸水之流東而
車之指南也夫左圖右史籍資觀省之益茲乃彙
而為一包括靡遺永樂大典中搜羅甚富如此書
之有資君道蓋不屈指數也洵稱萬世帝王經世
宏編宜侑諸座右鑑以朝夕庸詎賞其廣蒐博記

已哉序識大端用申作詩之意

后皇建極亮天工法在六經幾部中守此治分違此
亂慎惟始亦要惟終譜圖邦見唐仲友敘語詳言周
子充詎止存羊愛其禮須知示鵠折乎衷四千年裏
廢興夥百廿篇間彙括融理世津梁心以慕作君軌
範聽當聽行間總是珍希有座側恒應置一通寧曰
纂言資博考踐行益用勗吾躬

職官分紀

卷五十

御題詩 乙未

立政惟人義豈磨股肱喜起勅幾歌古今制異難沿
襲襄贊職同在協和經史厯編無不備縹緲獨弄有
堪多雙松書屋東臯隱弗出對教又以何

厯代制度詳說

卷十二

御題詩

甲午

中原文獻有家模講學還從張與朱酌古準今列條
目鎔經鑄史示師謨詎寧考据資談柄欲見施行洽
化樞昔未羶鄧後知重吁嗟此弊那能無

唐闕史二卷

御題詩 甲午

知不足齋矣不足渴於書籍是賢乎長編大部都度
閣小說庖言亦入厨闕史兩篇傳摭拾晚唐遺蹟見
規模彥休自號參寥子參得寥天一也無

宋元憲集

三十卷

宋景文集

十二卷

御題詩

有序 丁酉

宋庠宋祁兄弟同負盛名且同舉進士時以大小
宋並稱乃其官位一全宰輔一為尚書事業所就

既殊情性亦奢儉各異故其詩文沈博新警因各
隨其性之所近而為世所傳誦則同及戒其子不
令刊類文集行世亦同迨其後雖經合刊繼而仍
歸散佚又同茲復衷輯成集並以聚珍板印而流
傳之又無弗同其同不同之故庠與祁固無能知
之余亦烏從而知之然其散也由於自欲韜晦而
其聚也幸有永樂大典之僅存佚之於七百餘年
以前而完之於三百年以後則又復歸於同余因
合題一詩並冠於兩集簡首更使之不同而同則

向之所謂同不同者皆可勿深論是之謂大同
二宋合刊曾紀王惜哉分集失傳詳學如有本終難
悔行不負言久益彰伯也孤風表雅操仲兮彊識富
文章雖稱儉過及奢過弗愧元方與季方收拾碎珍
得全冊吟題七字冠前行休嗤大典紛割裂愛禮幸
茲存餽羊

文恭集

四十卷

御題詩

乙未

久曾割裂得全難四庫搜羅為

去聲

復完如此立朝有

本末可教遺帙聽彫殘既經呈覽斯予事自與發潛
令彼安通集原應俾鈔錄至文乃合命鑒刊教坊致
語寧忠告道院青詞實異端去取之間繫旌庠示茲
大畧付儒官

忠肅集

卷二十

御題詩

丁酉

散編衷集還全璧世久湮淪傳始今必有鬼神為呵
護自然天地佑忠忱未嘗釋卷於經邃却匪空言見
理深出處一身守直亮是非兩字辨僉士明陳十害

邪辭闢分析二章正氣森六百載餘惜悃篤裕陵見
擯獨何心

忠愍集 三卷

御題詩 乙未

主和誤國罪奚辭即使弗和禍亦隨慷慨捐軀誠可
尚詩文成集合教垂浩然之氣塞天際不幸而生革
命時全彼忠還申已義事非得已慘何為

若水厲志不屈捐軀以成其忠克全臣節亦其生
辰之不幸然大金當革命之時自非若水之所得

而抗殺之以全其名亦即以申己之義其事本非
得已第解頤斷舌處之太慘金將尼瑪哈實不免
過當夫金宋在當時猶敵國也若明永樂篡逆於
不附己者橫加誅戮則皆其本朝臣子且洪武所
留貽者仍俱戕賊不顧其於天理漸滅殆盡甚且
投鐵鉉於鑊剝景清之皮則殘忍慘毒尤非人類
所為向每為之不平茲論李若水事因併及之

北山集

卷三十

御題詩

癸卯

公論千秋不可誣進因秦檜是邪途左遷究以權奸
迕七疏曾於正史無弗覈始終將寘彼難逃衡鑒用
吟吾雖云幹蠱由其子作偽心勞實拙乎

按鄭剛中金華人紹興中進士官至禮部侍郎出
為川陝宣撫副使史稱剛中由秦檜以進故於和
議不敢有違及使陝西棄和尚原與金後又以宣
撫專擅忤檜竄謫以死是其人依附權奸梯榮幸
進本無足取今四庫全書所錄剛中北山集有諫
和議四疏及議和不屈一疏又救曾開胡銓二疏

既與正史不合又徐夢莘三朝北盟會編蒐括章
奏事實無遺而不及此七疏蓋剛中集乃其子良
嗣所編恥其父附秦檜因偽撰諫和議等疏以蓋
前愆此雖良嗣之幹蠱乎而千秋公論邪正難誣
雖有孝子慈孫百世不能改也館臣以剛中詩文
尚可觀錄入全書披覽時因為題什以懲作偽云

絜齋集

二十
四卷

御題詩

乙未

學為君子儒體用亦相符性恪雖宗陸身名未異朱

造情言頗悉民務政多殊大典昔割玉衷編今合珠
虛車祛藻繪實地有功夫傳世固如此詩文餘事乎

滄浪集 三卷

御題詩 戊戌

言志曾聞舜典宣爾時誰識所為禪假禪宗以定詩
品混儒釋兼紊後先

按嚴羽滄浪集詩辨以為禪道在妙悟詩道亦在
妙悟且優舉正法眼小乘禪臨濟曹洞之類以定
詩品不惟引釋教以證儒宗已為冠履倒置比擬

弗倫豈知佛生於周昭王時至漢明帝時始入中國其教亦惟演經守律而已至達摩於蕭梁時至中國始倡禪宗頓悟之法是虞廷所爲詩言志者乃數典之最祖彼時之詩亦可以禪宗概之乎夫詩有別裁偶涉禪趣固無不可若宋之蘇軾及我朝之張照每有吟咏托禪意者十之七八已失詩之本旨若嚴羽此集津津以禪門乘果定詩之品格其所謂不涉理路不落言筌者羽早自犯涉理路而落言筌即禪家所謂擔板漢未必非此人也

詩以闢之用示後之學詩者

金淵集 六卷

御題詩 乙未

宋末元初鳴以詩早年仇白己名馳却看排次還面目信有甲丁為護持雄逸或堪蘇伯仲清真亦偶陸
塤荒擬之李杜誠猶遠則實淵源限代時

古城集 七卷

御題詩 士寅

出處惟持正氣純三朝奏議識其人弩車未免泥

去聲

於古鉄鉞不辭試以身學闢姚江守篤實文殊獻吉
尚華新貞觀小斷我心獲疵小原無害大醇

劉戡山集

刪存不列
卷後同

黃道周集

御題詩

有序
乙未

此因彙輯四庫全書各省博訪遺編以進衷聚既
廣則甄別宜精而明末諸人文集內多有論列邊
防兵事詆觸本朝者館臣隨時檢出請燬理固宜
然亦不可不有所決擇因於幾餘披覽衡定之夫

為明臣而指斥我朝所謂吠非其主本無可罪其
或人品無繫重輕言事又剽竊無據及已入本朝
苟活求生又謬託為明遺民如屈大均之流者熒
之誠不足惜若黃道周之博物典彙劉宗周之疏
稿則不可熒蓋二人當明政不綱權移奄宦獨能
守正不阿多所彈劾至今想見其風節凜然而且
心殷救敗凡有指陳悉中時弊假令當日能用其
言覆亡未必如彼之速卒之致命遂志以身殉國
允為一代完人若因字句干犯并其全書而棄之

致使忠臣正士其言論不能並傳不朽余豈忍為之哉爰命廷臣就其應避之字畧為刪改書仍錄而存之使天下後世知余大公至正之心維持名教而不苛小節重其人因及其書且為千古之君若臣垂戒示勸不徒味其文藝而已既以宣諭並題詩各書其集端

搜羅四庫事磨研去取其間公道傳人各抒忠思可錄言雖觸諱忍從捐寧同仲達吠堯日不愧觀文報宋年平日犯顏急盡節如之二者實堪憐

松泉詩文集

四十卷
六卷

御題詩

壬寅

時晴書早壽召華子舍茲呈遺藁嘉詩與古期歸雅
正文非時調去浮誇席前我偶懷賁誼書讀爾休慙
趙奢舊日西清劇談輩祇今誰在惹咨嗟

周禮井田譜

二十卷

御題詩

癸巳

仁政必由經界始井田穀祿率因平雖然今古特殊
異設也閭閻多變更誰肯忘私畢公事難稱均地限

民名斯之未信關雅意周禮周官敢漫行

道命錄十卷

御題詩

有序

癸巳

宋李心傳集當時論伊川程子之事二十餘條其
言毀譽各半名之曰道命錄意在推尊伊川以道
屬之而以命惜之過矣夫天命謂性率性謂道道
即由於天命非命之外別有所謂道也故董仲舒
云道之大原出於天天不變道亦不變實為篤論
若心傳所為命乃窮通禍福之命即孔子所罕言

顧以附屬於道亦小之乎論道矣或者曰孔子不
云乎道之將行也與命也道之將廢也與命也何
嘗不相提並論不知孔子之言正申明道之行與
廢由於率性復命之能與不能而不繫於公伯寮
之沮與不沮公伯寮其如夫子之率性復命何故
朱子亦謂命有兩種其意則引而未發且二程氏
之品誼亦正不同明道純粹不露圭角伊川則不
免於客氣致有洛蜀之黨夫黨豈君子所宜有如
東漢之黃憲徐穉不入黨錮之中其矯然拔俗誠

有足取彼顧厨俊及互相標榜適以自害然猶出於小人之中傷也若伊川之與蘇軾皆係正人乃至門戶分歧而憑附之徒遂至彼此攻訐不已顯然操同室之戈亦獨何哉夫以道學而流為黨援其弊至無所底止非清流之福更非國家之福所繫於世俗人心者甚鉅而心傳道命之說尤不衷於道因題是編並為之序而正之

天命於人之謂性道惟率性乃无過應知道也世常守曰屬命焉理則邴董子故稱不變爾尼山曾是罕

言他雖云藉此傳名永亦頗因茲致禍多兩敗俱傷
正何益出行處順或非訛黃徐不入鉤中黨洛蜀還
操室裏弋明通淵手量無浹伊川清矣挹斯波心傳
作錄意誠美取義失斟費廣羅

至正條格

二十
三卷

御題詩

癸巳

書云弼教在明刑尚律何如尚六經條格居然觀至
正道齊未足示儀型每為左袒非公允祇可偏安乖
輯寧世祖有元開邦主孫謀貽厥失聰聽

江東十鑑 一卷

御題詩 癸巳

十勝原無一勝終誰云鑑此合江東徒因南渡君臣
怯勗以北征議論公藉是便希成正統謂他未可奏
膚功扼吭拊背曾何有楚尾吳頭祇自窮都會上游
應冀北提封次者亦關中少師故是金閭侶桑梓情
牽識未通

洪範政鑒

存本不列
卷後同

御題詩 癸巳

天運五行人五事失修類應自分明致休豈外常存
敬珥咎由來在未萌蔡註旨哉去膠固箕書備矣示
平成昭陵惕鑒政忠厚言行相符仁則誠

宋中興聖政草

御題詩 癸巳

少康光武始堪稱何事建炎號中興輕議武湯慙盡
善高談堯舜匹先登偏安祇有姑息計北伐曾無恢
復能徒曰親征望敵返未聞棄輶受終膺求賢進退
都無定遠佞優游幾實曾碎寶細人索供平故斥瑞

內侍竊權仍舉凡率可知時政曲譽安能逃後繩七
字永言昭鑒戒艱哉

天命慎欽承

重明節館伴語錄

御題詩 癸巳

重明館伴紀倪思序語無非飾強詞稱姪却私稱彼
虜畏人反詡畏吾儀豈誠強屈弱伸也祇以言游利
啗之南渡偷安顏特腴千秋殷鑒慎哉斯

國朝宮史續編之七十九

書籍五

鑒藏一

昭仁殿

天祿琳琅前編

臣等謹案往代延閣廣內之書徒侈縹緗閤
富從未有如我

高宗純皇帝鑒古精深多文求舊一時瑯環充牣咸
應昌會而備甄藏者溯自乾隆甲子歲

敕檢內府書善本進呈
覽定列架度置

昭仁殿

御題天祿琳琅為額越乙未重加整比刪除贗刻
特命著為天祿琳琅書目前編詳其年代槧印流傳
藏弄鑒賞採擇之由書成凡十卷繕錄陳設
後入

欽定四庫全書者是也臣等按次詳稽備登

宮史總計原貯宋版書七十一部金版書一部

影宋鈔書二十部元版書八十五部明版書
二百五十二部其中最善本如前漢書資治
通鑑九家注杜詩三種皆特選

宸賞曩曾

命寫

聖容於卷端謹首錄

御題識語詩章虔誌當日

天顏有喜之慕其諸書中以樂本尤佳曾荷

褒題鈐璽者一體恭載餘仿史家經籍志例以經史

子集為綱以宋金元明刊版朝代為序臚舉
書目卷數以見前編舊帙部分具存更賴七
閣函儲長留天地足以徵萬古藏書未有之
珍祕自我

大清乾隆朝始焉至

聖製重華宮茶宴用天祿琳瑯聯句詩謹分載前卷
宮殿門

聖製題宋金元明舊版書三十八部

宋版漢書

一百卷

卷首恭繪

高宗純皇帝聖容

乾隆御製
日德日新日執兩用中

御題語

內府藏舊刻書甚夥而前後漢書雕鐫紙墨並極精
妙實為宋本之冠覽前人跋語知舊為吳興趙孟頫
家物展轉流傳一歸之王世貞再歸之錢謙益王錢
二輩皆精於賞鑒而愛惜珍貴至比之寶玉大弓良
非虛語每一繙閱楮墨猶香古今至寶真有神物護
持耶乾隆甲子仲秋之月御題

乾隆御製
日德日新日執兩用中

右文
之覽

御題詩

冠冕琳瑯天祿收因刊書目閱從頭吳藏本自趙魏
國楚得重歸王弼州久入上方不知故茲編四庫識
其由舊杯新葦多佳玉却笑無能大白浮乙未新正

下澣御題

鈴寶二曰幾暇
怡情曰得佳趣

宋版資治通鑑綱目

五十
九卷

卷首恭繪

高宗純皇帝聖容

鈐乾隆
雙璽

御題詩

涑水叔為開義例紫陽述訂益精微直傳一貫天人
學兼揭千秋興廢機敬勝治兮急勝亂念茲是耳釋
茲非三編惟此遵網紀輯覽曾無越範圍鉅出新安
留面目奔增天祿有光輝外王內聖斯誠備勿失服
膺永勅幾乾隆甲午仲秋月御筆

鈐寶二曰乾隆宸
翰曰幾暇臨池

宋版几家集注杜詩

三十一
六卷

卷首恭繪

高宗純皇帝聖容

鈐乾隆
雙璽

御題詩

平生結習最於詩老杜真堪作我師書出曾鈺實郭
集本應寶慶及淳熙九家正注宜存耳餘氏支辭概
去之適以遺編搜四庫乃斯古刻見漕司希珍際遇
殊驚晚尤物開章固有時重以琳琅續天祿幾聞萬
遍讀何辭乾隆甲午仲春月中澣御筆

鈺乾隆
寶慶

兗氏之戈和氏弓續增天祿吉光中浣花眉列新全
帙金粟身存舊卷筒尤物寧論顯與晦逢時亦有塞
兮通武英棄置今方出絜矩人才默惕哀乙未仲春

月御筆

鈐寶二曰乾隆宸翰曰幾暇臨池

宋版東萊家塾讀詩記三卷十

御識語

此呂氏家塾本也說詩家自毛鄭後同異紛紜鮮所

折衷東萊兼綜衆說挈要提綱斷以己意於三百篇

之義殆庶幾乎向為樵李項氏家藏卷鈐字工猶屬

閩中舊刻其珍惜之乾隆御識鈐寶二曰幾暇怡情曰乾隆宸翰

宋版春秋分記九卷十

御題詩

分記原通記尊王義寓中年經國為緯外抑內斯崇
統萬乃惟一會殊則以同稀珍傳宋槩遺暇可研窮
乾隆甲午秋御題

鈴寶一曰
乾隆御筆

宋版六經圖

不分
卷

御題詩

太古圖先書後出考書或不考圖非陳刊苗序誠探
要物列文彰允造微典備六千年燭照冊貽五百載
芸翫玩時愒日凜儆戒惕夕乾朝守範圍傳授都因
著姓氏次銓還以正依韋六經敢曰能窺道一已惟

應勵勅幾張奉

裡宗陳俎豆恪遵

家法置冠衣帝王學與儒生異罪我由他知我稀乾

隆乙未仲春月御筆

乾隆
雙鈴
璽

宋版後漢書

一百二
十卷

御題語

范書八志不傳後人雜取東觀漢記等書以補之蓋
自宋以前無全本其不全者轉為仍古之舊宋本無
八志者民間本也若此書有八志者學官本也乾隆

御題

乾隆寶一曰
乾隆宸翰

宋版隋書

八十卷

御題語

此書字蹟紙質墨潘與趙吳興董華亭題跋文選可

稱聯璧大內貯宋本書固多視此並遜一籌矣乾隆

甲子九秋御筆

乾隆寶二曰
乾隆宸翰
流雲集

宋版資治通鑑考異

三十卷

御識語

是書字體渾穆具顏柳筆意紙質薄如蟬翼而文理

堅緻為宋代所製無疑中間十二卷至第十八卷舊
闕不知誰氏補鈔幾與雕木莫辨皇媽煉石竟成完
璧亦茲書之幸也乾隆甲子秋八月御識

鈐寶三曰
幾暇臨池

曰稽古右文之
典曰含味經籍

宋版通鑑紀事本末

四十二卷

御題詩

陳水編年著通鑑建安紀事別成書興亡本末為金
鑑條理因依若輔車雖有增前斯數典便稱續後此
開初淳熙紙墨香天祿玩味孜孜日警予乾隆乙未

新泰御筆

鈐乾隆
御覽

宋版帝學

卷八

御題語

此宋學士范祖禹編輯進上乙覽元本也成於元祐
戊辰重刊於嘉定辛巳藏弄御府有年每於幾餘展
閱不特芬流楮墨足備石渠東觀之遺而自安義進
宋凡帝王務學求師之要燦然眉列實為千秋金鑑
董子有言彊勉學問則聞見博而知益明因題卷首
以誌自勗云乾隆甲子重九前一日

鈐寶二曰稽古
右文之璽曰乾

陸家

御題詩

元祐成書心已殫逮乎嘉定又重刊欣茲祖禹芸編
在不異九齡金鑑看務學求師著儀軌修身莅政示
倪端知之行矣吾猶慙締几寧惟玩古觀乙未新正

再題

外乾隆
雙璽

宋版新唐書糾繆二十

卷十

御識語

新唐書糾繆宋吳縝所作也觀其離為二十門逐條

考證摘舉舛訛洵稱犁然有當夫以宋代文學之臣
如歐陽修宋祁者主持館局不免紕繆牴牾信史之
難置其然乎是書允為宋刻舊本幾暇覽觀用誌數
語於卷首乾隆甲子十月廿有八日

鈴寶二四莊敬
日強曰內府書

宋版古列女傳

卷八

御題語

劉向列女傳宋嘉定間閩中所刊圖書並列殆古遺
製大內有顧愷之女史箴圖旁書箴文即董其昌刻

八戲鴻堂帖者不知蘇子容所見列女傳畫為墨蹟

耶抑刻本也乾隆甲子秋九月御題

鈐寶二曰乾隆
宸翰曰携筆流

宋版南華真經卷十

卷首

御書南華真經四字

鈐寶一曰
乾隆宸翰

御題語

大內宋鈔南華經傳自永樂間蠅頭細書紙香墨古
誠寶跡也古人有巾箱五經便於行役登臨觀覽斯

亦其類歟乾隆御筆

鈴寶二曰乾隆宸翰曰稽古右文之璽

宋版容齋三筆

十六卷

御識語

洪忠宣皓節並蘇典屬國而時會之難有過之其子

適博學淹通壽登耆耄為宋宿儒孫亦世其家聲善

人有後矣適所著容齋隨筆雜志古今以傳其所聞

此為隨筆之三真宋鈐也乾隆御識

鈴寶三曰稽古右文之璽曰乾

隆宸翰曰萬國

農嘉謨印中

宋版太學新編排韻字類

七十卷

御識語

此宋太學本也依韻分編備聲律之用與選青賦箋同屬閤中所刊跡其字古墨香藏之秘府足為縹緗生色乾隆甲子秋日御識

鈐寶二曰乾隆宋
新曰幾暇臨池

宋版楚辭八卷

御題詩

信是身清志猶烈允宜朱註向為刊害公有疾託蕭艾正道無妨擬蕙蘭論古恒明論今閤責人則易責躬難畢然惕若披芸處敢作尋芳漱潤觀乾隆乙未

仲春御筆

鈐乾隆
御筆

宋版謝宣城詩集 五卷

御題詩

李杜稱詩久樓洪鋟版行芸香資望古藻績足怡情
詎祇摘辭麗頗多契理精欲嗤劉刺史何據五言城

乾隆乙未春御筆

鈐乾隆
御筆

宋版新刊詁訓唐昌黎先生文集

五十
一卷

御題語

宋刊昌黎集五十一卷卷前有乾學徐健菴諸印想

未收入御府之先為舊臣徐氏藏書字畫精好紙墨
細潤非坊賈貌為舊刻者可比天祿琳琅所貯韓集
當以是本為第一乾隆御題

鈴寶三曰乾隆宸翰曰
幾暇臨池曰幾暇鑒賞

之

御題詩

載道惟文語不磨齊昌黎者更伊何唐家制度傳垂
露宋氏樂鉛存學竅真是起衰空八代弗慙濟溺息
千波言宜長短因氣盛玩味多年受益多乙未新正

再題

鈴乾隆
雙寶

宋版新刊五百家註音辨昌黎先生文集十五

卷九

御題詩

予厚退之昔並傳論文可擬以詩詮韓如杜也柳如李此則聖而彼則仙註五百家孰窺奧垂千萬代獨鈞元學焉有志知難到難到猶然勵勉旃乾隆甲午

仲秋御筆

鈐乾隆
璽

宋版新刊五百家註音辨唐柳先生文集十三

卷二

御識語

五百家註昌黎集實宋槧之佳者柳子厚集雖亦五
百家註版式行款標題並同而紙色墨香遜韓集遠
甚且正集廿二卷以下至末皆闕又改目錄終以彌
縫之更非完善第柳集註刊本今鮮存者亦覺片羽
可珍惟當居韓之次耳附識題韓集詩之後並書冠
此集卷端乾隆甲午秋御筆

鈐乾隆
雙璽

宋版六臣註文選

卷六十

御識語

此書董其昌所稱與漢書杜詩鼎足海內者也在元
趙孟頫在明王世貞董其昌王穉登周天球張鳳翼
汪應婁王醇曹子念並東南之秀俱有題識又有國
初李楷跋紙潤如玉南唐澄心堂法也字蹟精妙北
宋人筆意漢書現在大內與為連璧不知杜詩落何
處矣天祿琳琅中若此者亦不多得乾隆御識

錢寶
二日

乾隆宸翰曰
古今文之寶

宋版唐文粹

一百
卷

御識語

唐文粹一百卷五代姚右史鉉所纂昔人稱其用意
精博世甚重之乃翻刻既繁流傳互異是本字畫工
楷墨色如漆猶見臨安孟珙原雕面目予選唐宋文
醇依儲欣例於唐韓柳外增李翱孫樵兩家讀書稽
古者以文醇為專家定本而參之文粹以博其趣庶
幾可乎乾隆御識

鈐寶二曰乾隆宸
翰曰幾暇臨池

宋版選青賦箋十卷

御識語

此宋人省試諸賦選本即唐人試帖及今館課之類

蓋一時坊刻也持筆法精饒為宋本中絕佳者卷首
末俱有文氏停雲印良可珍秘乾隆甲子秋分日御

識

餘晉二曰乾隆宸翰
曰稽古右文之寶

金版貞觀政要 十卷

御題詩

好名曾昔議文皇三代下名好亦臧言不以人廢如
是書原同帝範之憂吳兢采輯實文備梁肅鐸行勸
誠詳幾度披芸欽古鑒寧徒玩紙墨精良乾隆乙未

初夏御筆

乾隆
御筆

影宋鈔周易輯聞 六卷

御題詩

廣大無不備夫惟易道然輯聞傳汴水術學衍先天
觀彼多合聖切予斯體乾影鈔猶識宋遠矣緬韋編

乾隆甲午仲冬御筆

鈐寶二曰得象外
意曰乾隆宸翰

影宋鈔清波雜誌 十二卷

御題詩

逸史犁然志紹熙久無傳本此稱奇唐鈎晉蹟隔一
間明影宋刊非兩歧世道人心斯繁矣南遷北伐早

早之清波門外西湖水洗盡當年諛墓辭乾隆甲午

冬御筆

鈴寶二曰所寶惟
賢曰乾隆御筆

影宋鈔孔子家語 十卷

御題詩

天祿青藜信也非何於家語却相違祖傳孫辨名因
正明影宋刊世已稀多漏鮮全斯乃萃鈎元提要志
焉希愀然敬對君為政一語興邦凜勅幾乾隆甲午

仲秋月御筆

鈐乾隆
御筆

影宋鈔新儀象法要 三卷

御題詩

梁代渾儀已制之失傳蘇頌乃重為有經有緯述前
驗具說具圖期後垂亦曰用心究鈎股即看影繫
毫釐

大成

圓象精鑑泰

皇祖鴻貽萬世規乾隆乙未孟春上澣御筆

鈐乾隆
寶璽

影宋鈔離騷草木疏四卷

御題詩

疏傳草木異劉王特重離騷廿五章豈為春園問桃
李獨存古道弔沅湘辨精魚魯篇篇核義寓興觀字
字芳雖是羅田版亡矣步兵從可識中郎乾隆乙未

春月御筆

鈐乾隆
御筆

元版大學衍義

四十一
卷

御識語

大學八條著為聖經而真西山衍義一書首創聖賢
性命之精旁採古今治亂之迹發揮經術燦若列眉
誠孔氏之功臣也坊賈傳刊率多訛謬此書雕鏤精

善尚屬元刻舊本每一披覽心目豁然藉是或得仰
窺聖興用臻治理則補裨寧有涯涘耶甲子小春下
澣御識

銓寶三曰幾暇臨池日稽
古右文之壘曰讀書析理

元版樂書

二百卷

御題語

宋陳暘樂書二百卷與其兄祥道所著禮書並傳於
世其間網羅散失參攷古今損益之故犁然具備而
如樂一篇尤足垂千古炯戒揚萬里序中特著明之
意深遠矣幾暇閒披有資君德夫豈獨雕鋟精好輝

映東壁耶乾隆甲子秋分後二日御題

鈐寶二曰稽古右文之璽

曰乾隆
宸翰

元版唐國史補 三卷

御識語

是書採摭開元至長慶故事以補國史之遺凡三百有六節軼事方言頗資觀覽其間采取各條亦間有載入正史者是序文所云慮正文之或闕非盡闕也其字蹟刻畫精能當推為元本之冠乾隆御識

鈐寶二曰

幾暇臨池曰稽古右文之璽

元版山海經

十八卷

御識語

山海經一書流傳最古而近世無善本是本筆法刻畫清峭當為元版之佳者明吳郡黃氏省曾曾合刊水經山經為上下集其字跡彷彿相同蓋以是刻為

藍本也乾隆御識

鈐寶二曰稽古右文之寶曰乾隆宸翰

元版道命錄

十卷

御識語

道命錄十卷宋嘉熙間編次瀛洛關閩五先生進退

黜陟之所由而終以謚議贈卹制詔元時重刻於龜
山書院則又續增作書後所有事實乃元代追崇典
冊之文也其云道命者蓋言道之行與廢皆命云爾
此書猶是元龜山書院初本乾隆甲子秋日御識

二曰乾隆宸翰
幾暇臨池

元版韋蘇州集 十卷

御題語

韋應物五言詩高遠閒淡世所罕及年至九十餘益
造微妙浮屠皎然工詩嘗擬其體應物語之曰人各

有能有不能子欲為我且失其故步至今傳為知言
白居易繼守蘇州詩云敢有文章替左司其見推重
如此惜其文史逸不傳所傳者特詩集耳是集編次
雕鏤雅稱善本予愛讀其詩因書數語於卷首乾隆

甲子九秋三日御題

餘寶二曰乾隆宸翰曰幾暇臨池

明版東觀餘論 二卷

御題語

米已闢王黃斥米從來聚訟每紛如千載下議千載
上幾事實當幾事虛筆正明言在心正古書垂法示

今書重摹淳化加詳訂也覺斯之未信予乙未新正

中幹御筆

鈐乾隆御筆

明版白氏長慶集

七十卷

御題詩

儒雅曾聞白樂天漫將率易議前賢但從性地中流出月露風雲總道銓人咸謂香山之詩傷於易不知其易處正難及也偶讀其集題此甲子仲冬御筆

餘寶二曰稽古右文之通曰乾隆御筆

鑒藏宋版書四十七部

宋版周易 十卷

宋版監本纂圖重意互註點校毛詩 二十卷

宋版周禮 十二卷

宋版纂圖互註周禮 十二卷

宋版春秋經傳集解 三十卷

宋版春秋經傳解 三十卷
存目

宋版監本纂圖春秋經傳集解 三十卷

宋版春秋左氏音義 五卷

宋版監本附音春秋公羊註疏 二十卷

宋版春秋公羊經傳解詁

卷十二

宋版監本附音春秋穀梁註疏

重二十卷
本凡二部

宋版五經

不分卷

宋版四書

二十八卷

宋版南軒先生張侍講孟子詳說

七卷

宋版大廣益會玉篇

卷三十

宋版唐書

二百二十五卷

宋版通鑑紀事本末

卷見前
重本凡二部

宋版諸史提要

卷十五

宋版新唐書糾繆

卷見前

宋版唐書直筆新例

五卷

宋版唐宋名賢歷代確論

一百卷

宋版方輿勝覽

七十卷

宋版纂圖互註荀子

二十卷

宋版纂圖互註南華真經

卷見前
重本凡二部

宋版戰國策

十卷

宋版農桑書

四卷

宋版程氏演繁露

六卷

宋版嘯堂集古錄 二卷

宋版黃氏補千家註杜工部詩史 三卷

宋版新刊五百家註音辨昌黎先生文集 五

卷六

宋版新刊話訓唐柳先生文集 四卷

宋版六一居士集 一卷

宋版東坡先生和陶淵明詩 四卷

宋版樂城集 八卷

宋版六臣註文選 卷見前

重本凡四部

宋版玉臺新詠

十卷
重本凡二部

宋版聖宋文選

三十卷
二卷

宋版文章正宗

二十卷
四卷

宋版續文章正宗

二十卷

宋版蘭考

十三卷

鑒藏影宋鈔書十五部

影宋鈔復齋易說

六卷

影宋鈔童溪易傳

三十卷

影宋鈔三禮圖

二十卷

影宋鈔論語集說 十卷

影宋鈔張狀元孟子傳 二十一卷

影宋鈔新集古文四聲韻 五卷

影宋鈔張時舉小學五書 不分卷

影宋鈔集補後漢書年表 十卷

影宋鈔續資治通鑑長編 一百一十八卷

影宋鈔九域志 十卷

影宋鈔考古圖 十六卷

影宋鈔金壺記 三卷

影宋鈔王摩詰文集 十卷

影宋鈔劉賓客外集 十卷

影宋鈔盤州文集 八卷

鑒藏元版書七十九部

元版周易本義啟蒙翼傳 四卷

元版尚書註疏 二十一卷

元版書集傳 六卷

元版詩傳通釋 二十一卷

元版禮經會元 四卷

元版儀禮圖

十八卷

元版附釋音春秋左傳註疏

六十卷

元版春秋諸國統記

六卷

元版九經

不分卷

元版說文解字

三十卷

元版大廣益會玉篇

三十卷

元版六書正譌

五卷

元版史記

一百三十卷
重本凡五卷

元版漢書

一百卷

元版晉書一百三十卷

元版古史六十卷

元版資治通鑑二百九十四卷
重本凡二部

元版資治通鑑綱目五十九卷
重本凡三部

元版通鑑總類二十卷

元版十七史詳節二百七十三卷

元版十七史纂古今通要二十卷

元版通典二百卷

元版通志二百卷
重本凡三部

元版宋名臣言行錄

七十五卷

元版五朝名臣言行錄

二十四卷

元版自警編

不分卷

元版博古圖

三十卷
重本凡二部

元版纂圖分門類題註荀子

二十一卷

元版河南程氏遺書

七十卷

元版近思錄

十四卷
重本凡二部

元版朱子語類

一百四十卷
重本凡二部

元版類編標注文公先生經濟文衡

七十二卷
重本

凡二部

元版詳注東萊先生左氏博議

五卷

元版胡子知言

三卷

元版困學紀聞

二十卷
重本凡二部

元版北戶錄

三卷

元版夢溪筆談

二十六卷

元版詩苑叢珠

三十卷

元版分類補註李太白詩集

二十卷

元版唐翰林李太白集

二十六卷

元版集千家注分類杜工部詩

重二十八卷
本凡四部

元版增廣注釋音辨唐柳先生集

重四十八卷
本凡三

部

元版陸宣公集

十卷

元版歐陽文忠公文集

重一百五
十三卷

元版東坡集

重一百
二卷

元版增刊校正王狀元集註分類東坡先生

詩

重二十
八卷

元版樂城集

重九十
六卷

元版藥城集

八十卷

元版伊川擊壤集

二十卷

元版黃太史精華錄

八卷

元版屏山集

二十卷

元版象山先生集

三十卷

元版金臺集

二卷

元版文選

六十卷

元版兩漢文鑑

四十卷

元版三國志

六十卷

元版續文章正宗 卷二十

元版類編層瀾文選 卷四十

元版新編古賦題 卷十八

元版新編事文類聚翰墨全書 一百四卷

鑒藏明版書二百五十部

明版韓詩外傳 十卷 重本凡二部

明版詩經集傳 卷二十

明版詩緝 三十六卷 重本凡四部

明版周禮 十二卷

明版儀禮

卷十六

明版三禮

卷十四

明版三禮考註

卷十四

明版大戴禮記

卷十三

明版大學衍義

卷四十三
重本凡三部

明版大學衍義

卷一百六

明版監本附音春秋穀梁傳註疏

卷二十

明版春秋經傳集解

卷三十
重本凡二部

明版國語

卷二十一
重本凡四部

明版十三經註疏 三百三十三卷

明版九經釋音

明版七經圖 不分卷

明版六經圖 不分卷 重本凡四部

明版五經圖 不分卷

明版六經正誤 六卷

明版五經四書性理大全 二百二十五卷

明版五經四書 一百六十六卷

明版五經 八十二卷

明版樂律全書

四十卷

明版樂舞全譜

不分卷

明版爾雅

三卷

明版埤雅

二十卷
重本凡二部

明版許氏說文解字五音韻譜

十二卷

明版重刊許氏說文解字五音韻譜

十二卷
重本凡

四部

明版隸釋

二十卷

明版歷代鐘鼎彝器款識法帖

二十卷

明版六書精蘊 六卷

明版韻補 五卷

明版改併五音類聚四聲篇 十五卷

明版改併五音集韻 十五卷
重本凡二部

明版重刊改併五音集韻 卷同上

明版詩韻釋要 六卷

明版童蒙訓 二卷

明版養正圖解 不分卷
重本凡二部

明版廿一史 二千五百
九十三卷

明版史記

重一百三十卷
本凡二十部

明版漢書

重一百卷
本凡二部

明版後漢書

重一百三十卷
本凡二部

明版晉書

重一百三十卷
本凡二部

明版梁書

重五十六卷
本凡二部

明版陳書

重三十六卷
本凡二部

明版北齊書

重五十卷

明版周書

重五十六卷
本凡二部

明版舊唐書

重二百卷

明版五代史記 四十七卷

明版南唐書 三十卷

明版文公先生資治通鑑綱目 五十九卷

明版資治通鑑綱目 二百四卷

明版資治通鑑綱目 一百七十七卷

明版資治通鑑綱目 八十六卷

明版資治通鑑綱目集說 六十一卷

明版通鑑紀事本末 四十二卷

明版歷代通鑑纂要 九十二卷

明版通鑑總類

二十卷

明版少微通鑑節要

八十四卷
重本凡二部

明版吳越春秋

十卷

明版十六國春秋

一百卷

明版路史

三十卷

明版貞觀政要

二十卷
重本凡二部

明版帝學

八卷

明版歷代君鑒

五十卷

明版文獻通考

三百四十八卷
重本凡五部

明版大明會典 二百二十八卷

明版大明集禮 五十三卷

明版水經山海經 五十八卷

明版古今遊名山記 二十一卷

明版洎如齋重修考古圖 十卷

明版寶古堂重修宣和博古圖 三十一卷

明版大事記 二十一卷

明版秦漢印統 八卷

明版讀史漫錄 十四卷

明版班馬字類 二卷

明版標題句解孔子家語 三卷

明版荀子 二十卷
重本凡二部

明版五臣音注揚子法言 十卷
重本凡三部

明版劉向新序 十卷

明版劉向說苑 二十卷

明版徐幹中論 二卷

明版文中子 十卷

明版皇極經世書 十卷

明版心經附注

不分卷

明版天原發微

八卷
重本凡二部

明版聖學心法

四卷

明版五倫書

六十二卷
重本凡五部

明版格物通

一百卷

明版古今攷

三十八卷

明版老子道德經

二卷

明版南華真經副墨

八卷

明版冲虛至德真經

八卷
重本凡二部

明版戰國策十卷

明版呂氏春秋
六十二卷

明版論衡
三十卷

明版農書
七十二卷

明版六子全書
六十六卷
重本凡六部

明版五子全書
八卷

明版荆川稗編
一百二十卷

明版梁谿漫志
十卷

明版何氏語林
三十卷

明版野客叢書

卷三十

明版重廣補註黃帝內經素問

重本凡二十四卷

明版重修政和經史證類備用本草

重本凡三十卷

二部

明版圖繪寶鑑

七卷

明版宣和書譜

卷二十

明版東觀餘論

重本凡見前

二部

明版古今書法苑

重本凡七卷

明版初學記

重本凡三十卷

四部

明版白孔六帖

重一百卷
本凡三部

明版百川會海

重不分
卷

明版羣書考索

重二百十
卷

明版事類賦

重三十卷
本凡三部

明版紀纂淵海

重一百
卷

明版古今合璧事類備要

重三百六十六卷
本凡二部

明版羣書集事淵海

重四十
卷

明版錦繡萬花谷

重八十
卷

明版藝文類聚

重一百
卷

明版新編古今事文類聚一百二卷

明版唐詩紀事八十卷

明版楚辭十七卷

明版曹子建集十卷

明版陶靖節集十卷

明版類箋唐王右丞集十八卷

明版分類補註李太白詩集二十五卷

明版分類補註李太白詩文集三十五卷

明版集千家註杜工部詩集二十一卷
重本凡二部

明版杜工部全集 六十六卷

明版陸宣公集 二十二卷

明版韓柳全集 四十六卷

明版韓柳全集 八十八卷

明版昌黎先生集 五十五卷

明版柳文 四十八卷

明版元氏長慶集 六十六卷

明版追昔遊詩集 三卷

明版李義山集 三卷

明版歐陽文忠公集一百五十八卷

明版歐陽先生文粹三十卷

明版伊川擊壤集二十卷

明版司馬太師溫國文正公傳家集八十卷

明版老泉先生文集十四卷

明版東坡全集一百一十卷

明版三蘇先生文粹七十卷
重刊凡二部

明版南豐先生元豐類藁五十一卷

明版臨川先生文集一百卷

明版朱文公文集

卷一百

明版重鰲文公先生奏議

卷十五

明版象山先生全集

卷三十六

明版鴻慶居士文集

卷十四

明版渭南文集

卷五十

明版漫堂劉先生文集

卷二十一

明版鐔津文集

卷二十

明版弇州山人四部稿

卷一百七十四

明版代囊子集

卷二十六

明版六家文選

六十卷
重本凡十一部

明版六臣註文選

卷同
前

明版文選註

十二卷

明版文選補遺

四十卷

明版古文苑

二十一卷

明版六朝詩彙

一百十四卷

明版竇氏聯珠集

五卷

明版唐文粹

一百卷
重本凡四部

明版萬首唐人絕句

一百一卷
重本凡二部

明版西山先生文章正宗 二卷

明版文苑菁華纂要 九卷

明版時學大成 三卷

明版歷代名臣奏議 三十卷

明版諸儒箋解古文真寶 五卷

明版詞致錄 十六卷

明版龍筋鳳髓判 二卷

明版山谷老人刀筆 二卷

明版滑耀編 不分卷